

Newspaper	BERITA HARIAN
Date	11/01/2018

# Kenyataan pembangkang, Dr Mahathir bercanggah

PH - 11/1/2018 pg. 9

➔ Perbezaan  
jelas timbul  
pergolakan  
dalam Pakatan  
Harapan

Oleh Mohd Aizat  
Shamsuddin  
mohdaizat@bh.com.my

▀ Kuala Lumpur

**K**enyataan Tun Dr Mahathir Mohamad mengenai kadar tol di Malaysia dilihat bercanggah dengan pendirian pakatan pembangkang sebelum ini yang mahu memansuhkan lebuh raya bertol.

Menteri di Jabatan Perdana Menteri, Datuk Seri Abdul Rahman Dahlan, berkata ia menunjukkan janji palsu yang dilancarkan oleh pakatan pembangkang sekiranya mengambil alih pentadbiran negara.

## Dr M akui perlukan tol

“Pagi tadi, calon pilihan perdana menteri Pakatan Harapan memberi kenyataan berbeza terhadap idea pemansuhan tol.

“Dr Mahathir sendiri menyatakan tol masih diperlukan dan berkata kadar tol di Malaysia masih termurah di dunia.

“Perbezaan pendapat dalam kalangan pemimpin pakatan pembangkang ini menunjukkan pergolakan sebenar berlaku dalam pakatan ini,” katanya dalam satu kenyataan.

Abdul Rahman berkata, ia berbeza dengan pendekatan yang dilakukan Perdana Menteri, Datuk Seri Najib Razak apabila mengambil alih pentadbiran negara pada 2009.

Beliau berkata, rasionalisasi terhadap kadar tol dimulakan dan dilaksanakan menerusi pengambilalihan Projek Lebuhraya Utara Selatan (PLUS) oleh Khazanah Nasional Berhad dan Kumpulan Wang Simpanan Pekerja (KWSP).

Katanya, menerusi pemilihan penuh itu, rundingan perjanjian



Dr Mahathir sendiri menyatakan tol masih diperlukan dan berkata kadar tol di Malaysia masih termurah di dunia”

**Abdul Rahman Dahlan,**  
Menteri di Jabatan  
Perdana Menteri

jian konsesi menyaksikan tiada kenaikan kadar tol di lebuh raya kendalian PLUS seperti Lebuhraya Utara Selatan, Jambatan Pulau Pinang dan Lebuhraya Link Kedua.

“Dalam pengumuman Bajet 2018, kerajaan mengumumkan pemansuhan tol di Batu Tiga, Sungai Rasau, Bukit Kayu Hitam dan Lebuhraya Skim Penyuratan Trafik Johor Bahru Timur.

“Selain itu, projek lebuh raya utama seperti Lebuh raya Pan Borneo dan laluan Central Spine Road (CSR) dimulakan dan apabila siap nanti pengguna dapat menikmatinya secara percuma,” katanya.

Abdul Rahman berkata, parti pembangkang hanya tahu membuat kenyataan populis tanpa memberi sebarang perancangan dan strategi terhadap idea pemansuhan tol.

“Ia adalah kenyataan tidak bertanggungjawab dan tidak rasional dilakukan pakatan pembangkang. Mereka hanya membuat janji palsu tanpa memberikan penyelesaian,” katanya.